

նեցայ, մի յաղթանդամ տապանաքարի վերայ էի, ու-
շաղիր կը դիտէի Մասիսի գագաթն, որ ուղղակի յա-
րեւելս կերեւէր Սինակ լեռան գագաթից, կրօնասէր հա-
յեր զիս զգուշացուցին առարկելով թէ արածս մեղք է,
այն գերեզմանը ուր կամ, մի մեծ մարդ թաղեալ կայ,
իւր ժամանակ մի հայի դուռն մի սոխ անգամ չէր ար-
ժեր, այս գերեզմանի մէջ հանգստացող Ալէքսանդրն,
որ Պօլսեցի, նոյն ժամանակի բէկի զանձապահն էր, որ
մեծ ազգեցութիւն ունէր շատ և շատ մարդեր ազա-
տած էր կախաղանէ:

Այս գերեզմանը ուր կանգնած էի, հայեր Մասի-
սից աւելի բարձրացուցին, որով ստիպուեցայ հետաքր-
քրուիլ տապանաքարի արձանադրութեան մէկ մասն
որ հողի տակ մտած էր, յստակեւ տուի և օրինակեցի:

«Տապանս այս աւաղելի
Է որդի ումեմն միամօրի,
Հասակաւ երեք տան և երրորդի
Որոյ անուն Ալէքսանդրիչքի
Եղև զրաւ սորին կենի,
Ի թուին Ռ թ Երկհարիւրի
Եւ ի տասներորդն չորրորդի
Եւ ի եօթն նոյեմբերի
Խնդրեմ, տեսողքդ տալ զողորմի
Լիջիք արժան կենաց զրախօի»:

Մի այլ տապանաղիր

«Քրիստոս որդի հօր Աստուծոյ
Վասն անարատ ծնողի քոյ